

Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam
Contemplativæ functiones utilissima, Duobus Tomis Comprehensa. In
Qvibvs Singvlari Pietate, Varia Ervditione Clariori Et Breviori Stylo
Continentvr Et Explicantvr ...

Tomás <de Jesus>

Coloniæ Agrippinæ, 1684

Capvt II. Specialem inquisitionem an debeant præcedere, infamia, indicia
manifesta, vel semiplena probatio?

urn:nbn:de:hbz:466:1-38601

Eum in judicium, De hoc genere occulti delicti plane agitur Capite Inquisit. s. 3. de accusationibus. Ubi decernitur, judicem non posse ad inquisitionem specialem alicujus criminis descendere, etiam si id noverint duo, vel tres testes, nisi praecedente infamia illius criminis: quia dicat, nisi illud crimen occultum per infamiam fiat manifestum.

Quid sit delictum notorium

Notorium delictum illud dicitur, quod notum est omnibus, & ideo notorium appellatur, quod nulla tergiversatione celari potest, v. g. cum aliquis coram suo Superiore, & aliorum cetero delinquit, sicuti in Refectorio, Capitulo, Choro aliisque similibus locis publicis; nam hic notoriè convincitur, & notoriè debet puniri; nam eo casu, nullo juris ordine servato, statim receptis testibus ore tenus reo præsente (etiam contumace, vel negante) convicto, illico potest puniri. Publicum, & notorium sapè confunduntur, quamvis aliqui aliquam esse differentiam existimaverint: ego tamen, peccata in Monasteriis commissa, si a majori Monasterij parte evidenter cognoscantur, etiam si ab aliis in eodem Conventu ignorentur, notoria esse, vel publica sine ullo discrimine semper existimavi.

Et licet Emmann. Roder. qu. 6. art. 4. existimet, illud delictum esse notorium, quod coram decem personis committitur ab aliquo mihi nihilominus videtur, quod si comitulum fuerit ad minus coram quinque, poterit dici notorium, & publicum; tum quia in tanto numero, regulariter loquendo, non videtur posse occultari aliqua tergiversatione delictum comitulum, ut ex ejus descriptione superiorius adductæ constat; etiam præcipue, quia in multis Monasteriis non habitant plures, quam quinque, vel sex Religiosi, ideo peccatum, vel indicium, quod notum est alicui modo pluribus, quam quatuor merito dicetur notorium.

Hoc aperte colligitur ex Capite Inquisit. de accusationibus, ubi etiam si crimen sit notum duobus, aut pluribus, non debere denunciari iudici decernitur, quia quasi occultum reputabitur: Autores autem ferè omnes illa verba aut pluribus, exponunt: etiam si tribus, aut etiam quatuor testibus sit notum. Igitur si istum numerum excedat, & crimen notum sit quinque, aut sex, merito dicetur notorium, maxime in Communitate Religiosorum, ubi quod notum est quinque, vix potest latere.

Notorium multipliciter dicitur.

Notorium præterea generaliter loquendo, dicitur illud, quod judex in actu judicij proprijs oculis cum alijs assentibus vidit, quamvis, ut delictum reputetur notorium, certa regula præscribi non possit, ut post M. Sotum in 4. Dif. 12. q. 2. art. 6. communiter affirmant DD. Quare Prælatorum iudicio, eorumque prudentia, ac zelo relinquentur videtur, ut ex circumstantiis, & qualitatibus personarum, tam delinquentium, quam videntium prudenter judicent, quale crimen sit, & dicatur notorium.

Deinde notorium sicut & occultum delictum multipliciter dici potest. Quoddam enim est publicum, quod dicitur à Juris publicum publice facti: quia ita est omnibus hotum & manifestum, ut nulla tergiversatione celari possit. Aliud est publicum iuridice, quando videlicet de

Tom. à Iesu Oper. Tom. I.

aliquo crimen per sententiam publicam aliquis est condemnatus. Tertio demum id publicum dicitur, quia à multis scitur, ut in iudicio probari possit; tamen non est notorium, ideoque dicitur publicum in jure, sed occultum respectivè. Occultum autem, aliud est tale in tantum sciente, prater eum, qui potest denunciare. Aliud est ita occultum, ut ab uno solo sciatur: si autem a solo delinquente sciatur, omnino occultum nuncupatur. De hoc occulti genere hic non differimus, & idem est, quando multi sunt ejusdem delicti complices, nullusque alius scit.

Demum dicitur notorium ex presumptione juris, quod licet per se non sit evidens, iudex tamen procedit ad ejus punitionem ac si esset evidens, propter vehementes conjecturas, indiciaque facta equipollentia: ut v. g. si Clericus cum suspecta muliere sub eodem tecto cohabitaret, quam omnes ferè dicunt esse suam concubinam; quia tunc ob vehementem suspicionem punitur ut concubinarius.

Notandum est præterea, quod tam publica, quam occulta delicta subdividi possunt in delicta, quæ sunt contra bonum commune sive publicum, ut sunt crimina immediate in DEUM commissa, ut heresis, blasphemia, &c. vel erici crima lœsa majestatis temporalis, aut tandem similia bono communis detrimen- tum notabile inferentia, ut Tractat. primo cap. 12 declaravimus: & in delicta, quæ contra bonum privatum, vel tertiarum, vel propriæ personæ committuntur, ut si quis v. g. vellet innocentem occidere, aut si quis gula, aut ebrietati sive aliorum esset scandalo deditus, & similia.

Inter hæc autem quantum ad inquisitionem, magnum discrimen versatur nam aliter in delictis boni communis, seu tertiarum personæ offensivis: aliter in delictis, quæ private tantum persona nocent, & a iudice inquirendum est: & demum aliter in occultis, aliter in notoriis, etiam si tantum noceant delinquenti, inquisitione formari debet, ut clarius ex infra dicendum patebit.

C A P V T II.

Specialem inquisitionem an debeant præcedere, infamia, indicia manifesta, vel semiplena probatio?

*S*ententia est expressa D. Thomæ 2. 2. q. 69. art. 2. iudicem non posse contra aliquem iudicere procedere, nisi infamia, sive clamorosa insinuatio, vel indicia manifesta, aut semiplena probatio præcedant. Hanc sententiam licet non probet D. Thomas, probari tamen potest hoc pacto.

Quia occultorum solus DEUS est iudex, juxta illud Apotholi ad Corint. 4. Nolite ante tempus iudicare, quoadusque veniat Dominus, qui & illuminabit abscondit a tenebrarum. Quia dicat: Occulta & abscondita divino tantum subsunt iudicio, minime vero humano. Hoc autem varijs in locis docent summii Pontifices C. p. Qua liter, & quando, & C. p. Inquisitionis, de accusa-

O V

tienti

tionibus, & Cap. lice Heli, desimonia. Crimina autem, quo: un nulla est infamia, nulla manifesta indicia, nec semiplena probatio, in judicio occulta dicuntur. Igitur de his nulla potest fieri inquisitio. Inferius fuisse hanc D. Thomae sententiam declarabimus: Intetim tamen præmittere oportet, quid si infamia, quid clamorosæ infamatio, quid manifesta indicia, & quid semiplena probatio.

Quid sit fama.

Infamia agitur est quidam rumor ortus, non à malevolis, sed à probis, & honestis hominibus, sparsus inter multos. Colligitur haec definitio ex Cap. Qualiter & quando, lib. 2. & Cap. Inquisitionis, de accusationibus.

Clamorosam infamiationem pro eodem ac infamiam sumi non pauci Jurisperiti censuerunt: aliquit tamen Actores putant, ita duo in Jure distingui: ut infamia sit, quando virtus probi judicialiter existat, esse talem rumorem & famam de tali crimen, inter viros probos & honestos sparsam: clamorosa vero infamatio sit vox totius populi, vel publicus rumor inter multos extra judicium sobortus.

Infamia à viris & honestis probis provenire debet.

Dixi autem infamiam, non à malevolis & maledicis ortam, sed potius à viris probis, & honesti. Ad probandam infamiam duo sufficiunt testes, ut omnes uno ore fatentur, hi tamen non debent testati, se ita audivisse à majori parte populi: sic enim vix unquam posset infamia probari, ac proinde modus iste procedendi efficit utilis, sed latius est: (ut bene P. Lessius ad vertit Lib. 2. de Just. & Iure, cap. 29. dub. 16.) fecetus Baldem, & Jolium Clarum, alioque Jurisperitos) ut testentur, se ita publicè audivisse, vel ita passim dici: debent tamen nominare à quibus audierint, ut licet orationem ab honestis, & probis viris oriri, testesque non fingere: unde si non nominarent eos, vero non probarent famam in criminalibus.

Indicia sunt circumstantiae, ex quibus prudenter, & rationabiliter solemus de actionibus, operibusque fratrum nostrorum judicare. Quapropter indicia à Jurisperitis generatis vocati solent ea omnia, ex quibus potest aliquo modo colligi, quis sit Actor criminis, ut fama, suspicio publica, testimonium unius vel plurimum, confessio Rei, & similia: & cum indicia varia, & multiplicia esse soleant, de his, quæ necessariò prærequiruntur ad inquisitionem specialem, inferius dicemus.

Quid sit semiplena probatio.

Demum *semiplena probatio* est unius testis oculati, & jurati, omniisque exceptione majoris testimonium. *Oculati*, quia testis ex auditu solo nullam efficit probationem, nec plenam, nec semiplenam, ut inferius dicemus. *Jurati*, quia testis sine juramento non facit fidem in judicio. Addimus ulterius, omni exceptione majoris, id est, quod nullum paratur defectum, ob quem possit à testimonio ferendo jure repellendi. Seorsim igitur de his tribus necessariò ad inquisitionem specialem prærequisitis, suo ordine, & loco differemus.

C A P V T III.

Præcederent infamia debet omnem inquisitionem speciem, & quare?

Communis est DD. sententia, judicem non posse contra aliquem instituere inquisitionem specialem, tendentem ad criminis punitionem, nisi præcedente infamia Autoris eundem criminis, & delicti. Dicitur tamen ad punitionem; quia ad malum impediendum, in quando v. g. agitur de beneficiis, & officiorum collatione, vel de matrimoniis contrahendis, omnino licet inquirere de impedimentis, vel de vita moribusque particularibus personarum, & an de ipsis moribus, aut delictis præcesserit infamia: debent tamen tunc defensas, si qui sint. Superioribus secreto speenti, & quantum fieri potest, sine fame iuratione.

Hæc sententia, quam Theologis, quam Jurisperitis est communis, probatur expressè Cap. Inquisitionis, tertie, de accusationibus, ubi dicitur: *Ad hoc respondeamus, nullum esse pro criminis, super quo non laboret infamia, seu clamorosa infamatio non præcesserit, puniendum: quinimo super hoc depositiones contra eum recipi non debet, cum inquisitio solum fieri debet super illis, de quibus clamores aliqui præcesserint.* Et Cap. Qualiter, eodem titulo. *Sicut accusationem legitima præcedere debet inscriptionis, sic & denunciationem charitativa munitione, & inquisitionem clamorosa infamatio præcedit.* Idque probatur ibidem exemplo villici Evangelij Lukæ 6. qui primò infamatus est apud Dominum suum, deinde dicitur ei: *Quid hoc audies te? Redderationem vilificationis tua.* Et exemplo Sodomorum Genes. 18. de quibus Dominus ait: *Descendam & video, utrum clamorem, qui venit ad me, opere compleverint.*

Id autem non contemnendis rationibus probari potest. Et primò. Nam ius humanum quod fieri potest, intendit bono communum minima iactura bonorum privatæ personæ, sive Civium providere. Inter bona vero temporalia præcipue numeratur fama, quæ non parum laedit eo ipso, quod de alicuius delicto apud alios inquisitio fiat; quia merito quicquid posset conqueri sibi fieri injuriam, si de vita propria juridicè inquireretur, cuius alioquin fama integra est; quia per hujusmodi inquisitionem redditur suspectus apud alios. Quare merito iusta humana decernunt, nullatenus à judice fieri debere inquisitionem de aliquo, donec eius factum aliquo pacto aliunde sit perdita.

Probatur deinde. Quia licet regulatissimis litis fit Republica criminum punio, id tamen absoluere verum non est, quando crimina sunt occulta, & nullus est accusator verus, vel fictus; tunc enim utilior est Republica. sive Religioni conservatio famæ, & honori subditorum consulere, quam intempestiva punio, qua sepe turbatur Republica; & Cives maximis bonis, nempe honore & fama privantur.

Demonstratur